

翁

山

詩

外

番禺 屈大均 撰

茗南 凌鳳翔 訂

詞二

一名騷屑

風入松

西湖春日

斷腸人在斷橋邊
橋斷幾時連
無端橋斷因腸斷
令垂楊千縷還牽愁
裏流霞難滿夢
中明月難圓
花開花落總啼鵲
淚染六陵煙
冬青那爲君王
改正清明蒼翠連
天多謝斜陽芳艸
莫催容鬢年
年

聲聲慢

聞城上吹螺

東西雁翅兩作飛樓
江間一片沈浮
四角鳴鳴螺

聲颯起高秋淒涼尉佗臺上恨邊聲飛滿炎洲風
吞吐儘秦關漢塞處處含愁絕似金笳催淚與
明妃諸曲哀怨同流未曙頻吹匆匆人馬難畱無
邊戰魂驚起逐行營朝暮啾啾那管得一軍中人
盡白頭

眞珠簾

送杜十五不黨返淮安

南來不憚蠻天路笑風流解作瓊州香估多食女
檳榔蚤已消蠶蠱廢著隨人殊未富問幾時揮金
如土遲暮恨多日佯狂功名難取筋力枉負熊
羆悔英雄未結淮陰無伍且向釣魚臺更一竿煙
雨天餓王孫應有意教識得城東仙姬君去看年

少屠中有誰欺汝

應天長

江南九熟清明近紅有櫻桃
枳有粉瑰花調珠葉
觀多謝當壚人不吝
下香菰兼細笋食到盤心
爭忍消受自慚過分金錢教莫進

蝶戀花

立春

開歲炎天頻下雪梅蕊遲開凍得南枝徹
幾樹夭桃先漏洩春光已被蠻娘奪
黃鳥數聲嬌欲絕
一夕東風吹轉綿蠻舌處處壺觴閒可挈
嬉遊莫待芳菲月

長相思

稚子

口櫻桃髻蒲桃兩兩花衫三尺高鵝雛初羽毛
酌醑醺食香飴解乞韋孃歌楚辭春筵纔上時

又

采蓮涇錦帆涇幾曲橫穿花裏城鴛鴦處處迎
蛾睂橋白頭橋風流那得幾春朝臨風且玉簫
菩薩蠻

一春融暖無多日愁花怨草都含泣煙雨解欺人
貂裘典莫頻清明看漸近鶯燕來相問風已幾
多番春殘尚恁寒

月照梨花

天氣初暖簾簾都捲碧艸多情隨人近遠黃鸝白

蜨依依逐花飛 春歸只有飛花送煙輕雨重片
片風相弄乳鶯銜去休太頻頻使愁人淚霑巾

醉垂鞭

送別

口北武安樓頻頻見如花面雪絮太輕柔任風吹
御溝愁聽絃上語聲聲怨是雲州莫更向邊頭
臙脂紅易秋

甘艸子

香好香辣香甜滋味從郎取但得一星含自有雙
煙吐結得伽楠心還苦向欲煖猶寒牕戶長把
口鑪焚朝暮任一天陰雨

月上海棠

春風亦要榆錢買滿蒼苔殘雪正微帶玉女祠前有相思未曾還債風吹去片片撩人可奈牛郎不向天公貸恁年年得與聖姑會典卻瑤琴欲求凰玉簫難代啼痕溼羨殺陶朱貨貝

摸魚兒

陳友

送春帆聖湖歸好苦寒還欲君駐消魂一路多煙艸况復亂絲風絮誰爲主葭莢際彫胡但向漁人取流鶯未老且花臥浮丘月吟香瀨嬉爾小兒女王孫志一劍縱橫未許屠沽休說欺汝江山一任無人管自有幾雙鷗鷺君莫去還就我扶胥北岬題詩處低斟桂露待蘭畹編成玉杯書畢始問

庾關路

酒泉子

一片愁心消得幾多明月越羅露下不勝寒尚憑
欄棲鳥與爾最相干夜夜爲儂啼苦白頭誰作
故人看勸加餐

霜天曉角

鏡中人老鏡外人難好階下紫蘭紅蕙須教變長
生艸蝶香多在粉拾來和藥擣多取異花薰炙
料得使朱顏保

又

飛飛榆莢片片連花葉欲買舊愁新恨頻移步風

前拾 拾來睂上貼勾引雙雙蜨多少碧桃紅杏
不得上臙脂靨

江城子

脂水雙塘未褪紅藕花中有梧宮西子容光半作
水芙蓉半作姑蘇臺上月如天上鏡照秋空

菩薩蠻

粧成未肯離明鏡嫌他鎮日含花影輕罩海人紗
休令生片霞 鬢邊空戴葉免惹雙蝴蝶忌上口
脂來菱花行又開

河瀆神

祠口對浮羅攀枝紅映江波女蠻春賽祝融多數

聲銅鼓相和 潮去潮來蘭槳便龍氣時時驚見
蜺笈魚籃朝散鬪歌風外難斷

露華

白牡丹

素粧淡淡喜絕代瓊姿皎皎難染路入庾關能見
梅花無忝一枝不必姚黃已奪越孃光豔炎天熱
瑤臺夜淡牖戶休掩 盈盈半壓朱檻正浣出天
香珠露微點笑謝維陽花佔國色長占向暖稍展
擗毬更使玉人勻臉當影坐銜杯共對不厭

漁家傲

水仙

遠自姑蘇來藥市莖莖抽出凌波子六瓣冰開寒
若水純黃蘂香中微帶人間膩 朶大梅花應不

似葉長只爲多泥滓月有精華都與爾清冷裏衣
裳一一生霜氣

點絳脣

素馨花燈

忙殺珠娘未開已上花田渡鬢邊分取燈作玲瓏
去人氣添香香在光多處天休曙熟花方吐朶
朶成煙霧

臨江仙

燈花

香篆氤氲簾影內蘭缸正作重臺雙心合作一心
開芙蓉無種春自火中來光暗不將銀箸剔貪
他再結仙胎殷勤拾取落花煤油污玉指小印定
甕杯

東風第一枝

桃花

宿雨初晴林煙尚溼舊花又吐新蕊儘他人面爭
紅莫道豔粧未似露華凝滿是西峯明星漿水愛
玉盞盛取芬馨暖處自成沈醉將數朶笑分嬌
子和葉葉半簪雲髻韻餘兒女嬌容更染細綾繡
被黃鶯休掠令片片香沾泥滓向屋角更種多株
灌溉恐煩鄉里

點絳脣

淡紅梅

背有微紅絳桃一半爲根蒂幼姿偏麗種得纔三
歲漏泄年光心吐香難制花雖細弄人多計不
惜胭脂淚

怨三三

鹿葱

三山巷口挈花籃只買宜男朵朵凌朝喜半含髻
鬟上可雙簪休教鹿子來銜這萱艸根莖總甘
好黛色重添和伊爭綠掩映江南

惜秋華

木芙蓉

莫拒秋霜任重臺獨瓣紅衣都染乍得露華新粧
更添嬌豔凌晨已作酡顏醉滴滴天漿未厭堪念
念芙蓉製裳湘纈得占朵朵暮還歛待明朝醒
解把薄脂重點恨水淺照不徹鏡雲微掩何人見
爾關情折數枝寄來相賺那敢怕鴛鴦露棲葭莢
五綵結同心

荅黃位北見餉始蘇酒浸楊梅

包山始熟玄墓初垂炙得太湖全赤載向閶門去
把三白一一和枝淡漬甜酸得酒皆成蜜隨十幅
蒲帆爲客玉顏好盡生紅暈絕勝夏時鮮食炎
洲荔支誰敵且莫教鬱水織綃人識更有蕭然白
湘湖上香共紫萼莖摘燒春相伴方長命看歲歲
丹砂容色愧滿盤火珠滴滴欲報瓊瑤無力

蕭然山名

在蕭山蕭山
產白楊梅

錦帳春

檳榔

花發房中子生房外一顆顆來從瓊海帶花餐連
葉嚼喜顏紅十倍臙脂能代大把鹹分小將乾
配儘兒女長盈繡袋汁須吞渣莫吐添香灰至再

餘甘還愛

長相思

落花

一枝低兩枝低黃鳥飛東蛺蝶西雙雙尚自啼
朝煙迷暮煙迷紫燕銜時已作泥紛紛襯馬蹄

昭君怨

春恨天山難到心作漢家妻艸萬里逐愁煙雁門
邊不愛關氏愛汝命薄未同翁主黃鵠莫思歸
淚沾衣

琴調相思引

素馨花

笑擲金錢買幾升半穿瓔珞作珠燈一家纖手細
細貫絲繩暮上翠鬟方吐蕊曉辭羅帳尚含冰

夢魂清絕多恐冷香凝

摸魚兒

與友人別

放蘭舟溯江西上渺茫求食何處天涯相見頻相
別同作水邊風絮春欲去恨故苑鶯花總付煙和
雨離情罷訴教夜半啼鵲聲聲向月爲寫此愁苦
思重會當在吳閭古渡吹簫城下應許英雄失
路皆無策慚使浣紗憐汝君莫取鴻鵠在他時自
有凌霄羽功名糞土且滿酌霜醪仍將漁釣共醉
白蘋渚

拂霓裳

從西寧使君乞白鵬

愛瀧西美人爲政鳳來棲閒客好幾羣飛傍訟堂

低雪衣稱白雉金尾笑山雞向清溪乞雙雙分我
媚中閨 憐伊皎潔從不點落花泥香翅上分明
黑白萬絲齊雌雄良友似出入小童攜置蘭畦縱
開籠放去不曾迷

白鷗一名閑客卽越裳所貢之白雉也

踏莎行

鸚鵡稱哥白鷗名客輕輕不把春纖拍更將花片
餵相思銜書欲倩雙飛翼 身是珠孃生從香國
珍禽一一皆相識春情最愛畫眉多郎歸好與甘
蕉食

賣花聲

鷓鴣

兩兩對啼閒聲似人蠻多情喚得玉驄還何處春

淡行不得楚水吳山
南翥向梅關苦竹叢間隨
陽不似北禽寒銜葉未教霜露溼日映花斑

如夢令

孔雀

頂上三毛搖曳箇是
翠山冠製徧體錦文圓妒殺
畫堂珠翠無計無計大尾更須三歲

又

尾上金錢如許終日
閒屏勞汝只爲雨來時欲置
珠毛無處飛去飛去合浦儘多高樹

紅娘子

丁髻娘

戴勝何曾重有髻
方爲鳳身是丁娘心如閒客那
堪雕籠喜長來玉鏡小臺邊與釵頭同夢
花朵

開黃茸人作芙蓉弄兩兩穿枝三三食藥何曾驚
恐想纖纖飛燕掌中輕得似他翾動

丁髻娘頂有黃茸毛開若

蓮花

瑞鷓鴣

山雞錦翼許相同雙雙那肯嫁邊鴻欺汝南禽生
長梅花裏日守蠻煙白一叢梅花最愛梅銷嶺
雌雄各占高峰空愁霜露霑衣望斷羅浮日蚤生
東暖向平蕪喚玉驄

楊柳枝

小小珍禽似畫眉是相思釵頭偷立已多時未曾
知郎處不須紅豆子殷勤寄雙雙取得繫紅絲

到天涯

醉花陰

翡翠

雄縹雌青相掩映，愛殺銀塘鏡。日夕浣清波，春羽秋毛箇是佳人命。珍珠一一皆穿竟，無爾粧難靚。點綴九鸞釵，葉淡花濃要與春光競。

齊天樂

比翼鳥

南禺有鳥皆稱鳳，鵲鵲乃是蠻子。碧樹交棲，青衣兩比，長喚歸飛難已。時穿煙水，與白練紅綃競餐花藥。卻恨鴛鴦恁生多了一雙翅。雌雄誰得辯，汝似迦陵共命鳥，鼠同體暮不相思。朝非獨寤，伉儷人中無此閨人思。苦倩好手，邊鸞畫成遙寄，鰈

也靈魚更圖三四尾

山海經比翼鳥名

蝶戀花

題唐宮撲蝶圖

鳳子翩翾紛似雪
畫扇低颺驚入淡淡葉
博得君王開笑靨
聞香忽復穿裙褶
秦女乘鸞顛倒絕
捉得黃鬚膩粉教輕捻
收向鏡奩成媚蝶
承恩好待華清月

柳含煙

柳

青青眼忍看人人
別人離不管更將煙雨溼殘春
與羅巾紅恨綠愁消
欲盡枝上無多風信一相思
作一垂絲斷腸時

醉落魄

飛花如許無多紫燕難銜汝春歸誰作嬋娟主願
似游絲長絆郎風絮韶光誤盡因煙雨并刀已
剪愁千縷情多恐化相思樹人可催歸會逐啼鵲
去

漁家傲

白首夫妻雙打槳春來最喜西江漲日日鰕魚爭
入網籠且養香稬欲換須官舫鷗鷺那分三與
兩年年共在沙洲上白小紛紛君不讓飛蕩漾窺
人豈爲梨花釀

一叢花

題西寧長春寺

灣頭錦石似天屏斜對寺門青人家盡在芙蓉瓣

恨蒼翠霑溼牕櫺花半未名禽多有姓鎮日共松
亭天然生就白雲城萬嶂繞空冥春歸此地無
人見儘花氣薰殺仙靈香雨漸消頻生皓月緩步
過前汀

百字令

甲子元日試桃杯杯以匏爲之是魏里柯寓匏所貽

野亭春暖喜雨聲初歇鶯歌元日滿酌西王宴壽
酒正有千年仙核卻是笙匏天邊獨處星宿同無
匹椒花盛取玉杯慚爾多質蚤共五色鉤連甘
瓜子母碩大成秋實葉佐晨羞餐未厭忘卻盤無
肥炙製就雙卮殷勤我友持作高堂物小兒方朔
自今何用偷得

殢人嬌

生恨東風不解吹愁西去愁多半化爲煙雨濛濛
一片令春光無主誰便得消受乳鶯嬌語喚柳
休眠教花莫舞但翠閣水沈千縷含情小坐更輕
調琴句人寂寂芳醞暫教顏駐

畫堂春

天青染得一江青煙波雪後逾明片帆衝破白雲
屏蕩漾鷗汀芳艸茫茫天際羅裙直接空冥看
黃成綠是愁凝春色難勝

賀聖朝

休憎春色濃如酒縱醉人難久愁心攪亂任鶯聲

更絲絲垂柳 歌長歌短總催白髮但瑤琴在手
飛花片片解相依到天涯猶有

虞美人

青山漸漸圍天盡 峽口春難認 渺茫煙樹帶漁邨
愁見白雲紅葉又黃昏 沙鷗貼水隨波遠 吹笛
教飛斷 炊煙欲溼雨來時 恨爾銜魚高下不曾知

感皇恩

剪香

熟結水沈同 剪安火細不取香煙取香氣氤氳一
縷不作巫雲蒼翠味生空裏令人醉 日暖尚薰
夜淡難睡 四下風簾恐涼吹鵲斑半燼片片總畱
芳蛻芥茶再浴驚精在

揆春令

一春春暖似春寒
值炎洲多雪喜海棠開出枝枝
鐵蚤催得芳菲節
曉風頻遣黃鶯舌
向愁人先說說
玉杯滿酌琵琶洲上沈醉娟娟月

漁歌子

開到棠梨不是花
鶯啼莫憶舊繁華
朝雨急暮風斜
春光催去去誰家

又

夾浦天桃樹樹斜
一灣不見一灣花
雲帶岬水侵沙
白鷗多處有人家

紗牕恨

蜘蛛會織難成匹枉多絲玉琴半露光如漆網經
時戒羅袖綠塵休拂任柳綿花片依依更使啼
痕在似煙霏

海棠春

清簫未弄腸先絕正檻外朦朧初月露冷鴈聲沉
水溼螢光滅柳枝難作同心結但有絮紛紛似
雪莫傷畫裙飛片片成蝴蝶

醉花間

花相識柳相識無限春顏色蕩漾酒船時費盡拋
香力將情交玉筵弄去聲聲逼天邊月莫圓畱
待人圓夕

酒泉子

不恨啼鴿苦苦只催春去春來只是作愁陰冷難
禁生憎泥陷馬蹄溪盡是紫霞紅雪得歸香壘
也甘心燕須尋

又

最恨薜蘿消受羅裙雙帶影暖風吹去復吹來在
蒼苔踏青爭上越王臺蝴蝶不因朝雨散鷓鴣
休爲夕陽催且徘徊

浣溪沙

欲使緋桃嫁碧桃瓶中交插兩枝高朝朝對取酌
香醪白髮不須求大藥紅顏自可解離騷并州

那有剪愁刀

又 桃溪

榕葉陰陰又木棉芭蕉黃映一溪煙人家半在峽
門邊 蝦菜未殘三月市魚花爭上九春船愁同
百丈盡情牽

點絳脣

分付東風卷愁西向秦天去甕頭香乳舊解貂衣
處 那日花開持取歌金縷鞍難駐淚和紅雨半
溼關門樹

又

看殺春山翠睂何必長如許黛邊煙雨莫使人描

掩映高樓花缺偏窺汝斑枝樹令栽無數遮
盡芙蓉路

小桃紅

不怨春光去不望春光住只願愁人一年一度與
花相遇縱青霜白雪總盈頭也爲鶯燕主花作
誰家絮鶯作誰家語化蝶韓妻乘鸞秦女總歸塵
土且安排紅酒紫金杯聽玉兒低訴

漁家傲

觀邊女調神

割肉如山生啖取黃羊不及青竿飮腹飽還須多
飲乳廬帳裏羶風吹起沙如雨兩兩調神蒙古
女花冠對插山雞羽大漢將軍香火主歌且舞威

靈莫把蕃兒怒

荷葉杯

獨酌

圖取玉顏酡甚多飲吹醒畏東風桃花要與爾相
同紅麼紅紅麼紅

又

春日春人惟有春酒朶朶照瓊杯山茶花被海棠
催開麼開開麼開

傷情怨

枝間紅淚漸少喜杜鵑開了收拾春心休從花內
老憐他梅子尚小打乳鶯一一難到入口先酸
青黃愁未蚤

賀聖朝

巫山一望堪愁絕。况蒼蒼煙月。三聲猿嘯一聲流
淚。兩聲流血。瞿塘纔上。那知白髮已毵毵如雪。
多因神女。氤氲香雨。無端相接。

酒泉子

三原元夕

鄭國渠邊寶馬亂嘶秦。月滿城。燈掛白楊枝。上元
時。彈箏打碟響參差。曲曲口西關。外邊聲多半
是相思。少人知。

又

猶記踏青煙煖。三原春正。豔喜涇陽人盡至。又頻
陽。二城南北花相向。總是姑蘇樣。眼紗不戴香

羈上任端相

番女八拍

彎弓爭落海東青
插雙翎香貂帽子魚皮女
兩兩馳過粟末城
竿酥多食復駝羹
玉肌腥春寒擬坐溫湯去
笑擁闕氏向盛京

南鄉子

琵琶尾鳳凰頭相逢識是柳城舟
雙雙桂檣搖纖玉沙鷗
逐思得湔裙香水浴

首二句言舟形也

臨江仙

前鏡那知儂影好
憐人更有菱花胭脂
忘作臉邊霞春來無力
日日髻鬟斜
不使香貂爲抹額
天

寒尚束輕紗海棠簪罷又山茶恨伊雙燕銜去向
西家

醉春風

友人餉金陵雪酒

春色如睂黛
縐成香可愛
梅花三白總將來
賽賽
賽花裏封泥
桺邊開
甕客愁全解
嘆爾情如海
紅友頻相賚
可能移得惠山泉
再再頻使溪翁
玉杯長滿玉顏長在

減字木蘭花

梨花未絕
朵朵沾泥猶是雪
欲嫁東風自有蠶媒
送落紅
連朝煙雨一見春光都欲語
酌酒庭前
忍舍鶯聲去
晝眠

天仙子

雙鬢但將蝴蝶賽露花油好嫌香大吳閭學得吐
丹頭釵不戴珠不愛只有一枝蘭作態

又

目織纖纖嬌女葛霏霏蟬翼同輕滑裁爲夫壻夏
時衣風莫縐汗莫透管取清涼長似舊

搗練子

春欲去去天涯片片殘紅似落霞蝴蝶飛過蝴蝶
艸鷓鴣啼上鷓鴣花

謁金門

望廬山

煙水外染得一天螺黛欲雨山腰先作帶瀑泉添

幾派春色氤氲長在一片雲成雲海點點芙蓉
看漸大欲從天際采

巫山一段雲

片片瑤姬影飛來最有情朝朝暮暮不分明愁與
夢魂疑雲溼疑行雨峰開似列屏髻鬟染得一
天青一朵一仙靈

蘇幕遮

題盤齋

虎頭雲獅口水風捲虛無飛入疎簾裏古木陰陰
涼不已無數蟬嘶又逐杳聲起荔成花萼有子
多種丫蘭分我莖莖紫肝臙還教甜到尾抱甕相
從我亦忘機矣

如夢令

一夕恩情似夢臂上猶書嬌鳳
忻口再來時天曙
更無人送鶯啼鶯啼費盡春聲
何用

又

答龔崇丈見懷

五畝清涼山下人買煙霞無價
解帶竹風吹書卷
半拋花架多暇多暇爲我更圖
嵩峯

江城子

春魂如雨復如煙暗吹斷落天邊
無情花片相逐
又明年人笑海棠消瘦盡明鏡好
尚相憐
軟同人柳只多眠怕啼鵲到簾前
愁壓春山不使黛雲
妍枕簟爲誰寒欲絕教寶鴨斷沈
沈

掃花遊

題蒲衣子深廬

柳塘蕩漾正片片寒鷗亂紅爭浴問誰水曲把秦
人洞穴影藏淡竹白犬黃雞亦愛漁郎信宿雨新
足喜灌溉稍閒能把書讀山翠低染屋恁耐得
青青十眉春綠傍簷種菊漸參差逗出數峰麋鹿
玉甕霞浮儘爾神仙厚祿過幽谷聽鶯聲又兼絲
肉

念奴嬌

近和龔蘇圃喜予移家白門之作

昔年浮宅向金陵曾住莫愁湖口最是鍾山黃紫
色未遣蓬牕辜負上岍牽舟傍橋作屋兒女同魚
留殷勤公子笑饋鶯邊春酒更將畫舸相迎秦

淮人至新曲歌紅藕正值燈船簫鼓起廿四航間
如晝徹夜邀歡天明忽隔庾嶺梅花口相思長在
汝南無數煙柳

白門有
汝南灣

清平樂

海棠絲短不遣風吹斷一朶依然紅玉軟畱與粧
樓寄遠楊花未作浮萍枝間交映青青拾絮殷
勤作枕郎歸定愛芬馨

洞仙歌

贈潘季子花燭

開年幾日喜蠻花香雜未盡春寒尚重恰正佳期
十五明月團圓初一度蟾兔陰陽相合玉郎題
賦罷盼睽雙星冉冉仙人下雲閣自有板橋長靈

鵲殷勤休環繞絳河三匝問七夕何如上元時有
處處張燈火花煙蠟

潘聚板橋

天淨沙

塞上

沙如亂雪飛來風吹忽作龍堆塞水橫衝不開馬
蹄溪陷一鞭飛上平臺

又

桑乾濁似黃河冰開難飲明駝滑滑春泥苦多鹵
兒呼渡雌雄兩兩吹螺

海螺有雌雄其聲各別

又

關門一綫浮圖黃雲半塞飛狐雪盡鶯花未蘇駱
駝鞍煖春宵臥過盧奴

又

千山已作邊牆長城更與天長一望教人斷腸紫
荆關外茫茫只有牛羊

又

天寒雉兔偏多揮鞭躍度洋河一箭雙穿鴛鴦肉
鷹饑汝鞍邊割肉峨峨

又

天明已飯黃羊笳聲催上辭鄉淚落還因夕陽蔚
州煤好春寒可代衣裳

辭鄉
嶺名

又

盤山下見盧龍三盤始上三峰欲去依依暮鐘可

憐明月秋來只照邊烽

又

居庸一口容人開門誰揖黃巾虎豹何曾苦辛黑
裕林裏無勞間道通秦

春從天上來

壽制府大司馬吳公

幾載炎方總兩粵諸侯師保堂堂袞衣開府彤矢
安疆五星井宿光芒笑漢時大長踰百歲魑結稱
王我君公但南交虎拜東海鷹揚長隨麗空雙
曜作守日黃人出入扶桑沐浴精華卿雲葩爛更
多倬彼文章寫五臣謨訓和騷雅傳與旂常養羣
賢看天衢輿衛雷雨同行

訴衷情

小妓

開唇只唱月兒高未熟小櫻桃雛鶯身似琵琶短
短繡花袍能勸客白酥醪綠葡萄蛾眉教畫鳥
爪教搔莫弄檀槽

玉蝴蝶

雲客高子得水巖石一片大如掌許鋸分之狀
如蝶翅左右有斑點十三四背有六七如鴝鵒
眼碧綠相暈高子愛之將以爲異時鸞輪而御
太虛屬同人調玉蝴蝶詞

蝴蝶粉鷗鴂斑凍凝雙玉間知是漆園閒翩翩夢
未還化煙碧連花白風影欲雙鸞看爾當鷗鷺

竝飛誰可攀

比翼鳥一名鷦鷯

阮郎歸

春來莫使杜鵑知
杜鵑花已飛海棠更是淚紅時
片片付游絲
琴不弄酒空持
愁心盡在睂裙邊
蛺蝶怕風吹
房簾深自垂

散天花

浪花

吹作芙蓉上下飛
天邊纖手散是江妃風爲根蒂
水爲枝天然冰朶幻出漣漪
舞入雲中不用衣
沙鷗驚復下欲銜時
依依不忍別斜暉爲伊春不
用自芳菲

青玉案

題王蒲衣無題百詠

言夕
三
瑯琊大道風流在苦春思如煙海筆似辛夷初發
蕾玉臺神麗香奩幽豔珍爾芳年待大珠孕就
三千琲一一脣邊少人采不嫁朱顏光更倍繞庭
鸞鶴滿身蘭芷生妬勞真宰

一斛珠

題林文木琴圖看竹圖

蕭疎翠竹美人手爪時相觸枝枝葉葉如新沐寫
向鶯綾看盡瀟湘綠冰綃細摺成春服針神夏
使人如玉絲絲難繡文章腹腹裏流光照映簫管
谷

訴衷情近

西寧山中

野煙霽處掩映茆茨乍見家家水碓春香一一山

籃采笋愁是畫眉催起深淺蠻粧總把山花襯

山鵲近最喜搖歌靜引數聲林外啼得春情盡穿
枯粉髻娘扇起雙飛欲射珠毛誰忍但抱無端恨

雨中花慢

越王臺懷古

雁翅三城龍荒十郡秋來不減邊沙恨牛羊有地
雞犬無家雖少諸軍浴鐵還餘幾隊吹笳朝臺試
望天似穹廬直接京華 趙佗箕踞南武稱雄遺
墟問取棲鴉誰得似斑駁漢使才藻紛葩湯沐千
年錦石文章五嶺梅花綵絲女子爭看旌節色映
朝霞

行香子

漁歌

第一魚鮓第二魚鮓第三魚是馬膏鯢潮鹹潮淡
一任漁郎喜春風來黃花短白花長江水魚香

魚子滋陽大罾船滿載鹽霜鼠公鼠姥兩兩開洋

夏鱗魚寒鱸魚熱鱸皆良

黃花白
花魚名

慶春宮

過樓桑村和宋長白

葉作重樓枝爲華葆一桑實兆飛龍宗社重興高
光再食三分已有成功能存正統益州小豐沛可
同君臣齊力千里偏安與賊爭雄天教季漢匆
匆難起隆中易復關中二表三書春秋相翼血誠
總貫長虹我來瞻拜思燕涿還生我公南陽耕罷
那得風雲慘淡西東

柳梢青

綠艸萋萋一春愁望祇在花溪北地香魂南朝碧
血總付鶻啼 征人一騎遼西共誰宿黃駝白羝
朝逐風笳暮歸冰窖可念深閨

一斛珠

嬌兒開袖芙蓉花出櫻桃口多生定念蓮經否欲
吐芳香輒自含辭久 荷葉不離雙玉手朝朝暮
暮來擎酒半酣方肯歌紅豆不信嬌鶯似爾春聲
溜

歐陽文忠公有姬姓盧名嬌兒姿貌端秀口中

作芙蓉花香有蜀僧曰此人前身爲尼誦法華

經二十年

又

海棠絲短輸他楊柳絲難斷流鶯繫得枝枝滿莫
只貪眠不耐腰身軟 花絮無情風自亂眉痕一
任春深淺生憎一樹含煙煖每共芭蕉片片心舒
卷

又

乞某子作書

古肥今瘦三真六艸多仙授銀鉤蠶尾人爭購一
幅鵝溪爲寫蘭亭就 筆虎而今誰怒手天門龍
跳爭馳驟墨濤翻處蛟螭鬪更乞驚鸞字字教如
斗

鳳樓吟

贈李孝先新婚

堦和翁冰清玉潤翩翩雨藻還同最嬌梅福女月

華才貌正喜早乘龍恰當春禊候浴桃花持贈蘭
紅作好會鶉鶉碧簫響徹煙空香風畫樓吹處
錦箋斑管分賦匆匆一雙如絳樹一聲歌兩曲莫
辨雌雄鳳皇飛復止小比肩長日房櫳與沈氏青
箱愛子金粟連叢

山亭宴

禊餘上巳過三日正清明棟花堪摘知是幾番風
乍寒暖春醪少力杜鵑啼得杜鵑開淚紅處榴裙
無色辛苦汝流鶯拾不盡儂香魄裊空半逐遊
絲入又吹散蝶黃蝶白儘意莽芳菲做慘淡煙乾
雨濕新時爭似故時憐此一度倍生悽惻情去在

畱仙綵履那堪執

垂楊

暮春客鳳城假寓黃氏池亭有作

芳春欲杪漸荔枝吐藥木棉殘了細雨含煙未成
流水滂沱小甘溪遣送清泉皎主人雅玉缸分到
潑茶香寒坐枯間對鳳山娟妙聞說鱗魚夏早
已三五蛋郎竹竿輕嫋喜住灘頭不愁紅頰櫻桃
少花醪況是荼靡造任酣暢鶯聲四繞流連忘却
歸舟情太好

十二時

送潘衣子入山

送君歸亂山歸去婚嫁參差都了想竟似無情春
杳不使鶯花纏繞玩弄清琴沉酣玉醴怕不成仙

道且養壽影滅嬋娟却笑蔡家猶愛纖纖姑爪
顏未衰心花意蕊况有十分光姣鏡裏復紅分明
大藥不在丹干好引嘯時有風飛身欲在煙杪
恨此生茅龍未徧五嶽猶牽懷抱莫學盧耽翩翩
毛羽拂盡洲和島恐去家未久歸來但見華表

洞仙歌

長壽禪室瓶花

丹葩素藥與心華爭放天女持來笑相向膽甌中
朶朶春色撩人深護取莫遣風吹半颺嶠南無
月令元夕芳菲已逐流鶯亂枝上幾種插偏多萱
共天桃薔薇畔海棠三兩但注水空生不須根任
好在房櫳露華滋養

更漏子

無數落花人不惜，拾紅浴向清溪。臙脂不使作香泥。鶯掠去東西。
休絮亂，與絲齊。牽人只似柔荑。無情枉作有情啼。杜鵑聲且低。

羅敷媚

碧桃

洗紅盡褪，天天色雪粉猶多，不肯顏酡。濃淡臙脂，總笑他。
看朱成碧，朦朧甚，祇爲相思不見紅兒。化作瑤華，怎得知。

醉春風

緋桃

濕透非紅，淚春風吹得醉東君。還與賜宮緋，試試試香送餘寒色。
添刻霞，謊情妖媚。乍似夢，夢裏。

丹玉盤邊侍未應穠豔更施朱記記惟
有東鄰學他千笑惹將春思

蝶戀花

春情

似雨如晴春乍暖漠漠輕煙未肯含
愁淺悵望不知人已遠踏紅似向花
間轉亂落杜鵑餘幾片付與遊絲莫
被風吹斷紫燕銜香知有怨怨他情
與東君短

天仙子

翡翠蘭開如翡翠
朶朶教人長日醉
玉壺無酒又春愁
因柳色怕登樓
一任年光逐水流

帝鄉子

花花一枝紅一家大小髻鬟都有似朝霞蝴蝶逐
人來去粉沾青額紗團扇撲將三兩莫傷他

古調笑

蝴蝶蝴蝶片片如花似葉休教亂舞春風攪起苔
間墜紅紅墜紅墜半化胭脂香淚

又

楊柳楊柳日日長條在手流鶯何苦多情啼到枝
邊月明明月明月冷浸滿頭冰雪

訴衷情

爲愛腰肢多種柳拂朱橋垂繡戶雙舞當妖嬈看
殺落花朝搖搖流鶯花外招向長條

河傳

芳草萋萋官道恨爾如煙一春相逐夕陽邊揚鞭
趁晴天天愁却比人愁重雨如夢暗把韶光送
東風休作落花媒吹來含啼向酒杯

風中柳

家本農桑未愧晉朝先隱向沙亭沉淪自分北田
鹹褪南田膏潤謝天公解憐肥遯翻犁及早生
怕牯牛春困漫偷閒今年雨順舊杭香粉新杭紅
醞待秋來惠沾鄰近

河瀆神

榕樹與油葵掩映天妃廟西一江新水帶春泥數

行鷗鷗飛低 婦女楓香燒早暮魂斷茫茫江路
生怕去年風颺破蓬休起漁浦

醉花陰

以竹節大斗爲元兄壽

一節瑯玕開大斗斟汝滿春酒金老飽風霜磨用
陰山玉爪清光透 龍公早向羅浮取光怪象靈
壽葉大似芭蕉卷作荷筒更可娛黃耆

虞美人

無風亦向朱欄舞情爲君王苦烏江不渡爲紅顏
忍使香魂無主獨東還 春含古血看猶暖巧作
紅深淺花前休唱楚人歌恐惹英雄又喚柰虞何
燕歸梁

不是棠梨卽杜鵑一路含煙更多蝴蝶化嬋娟春
如夢但茫然清明幾度披芳草餘蘭麝在重泉
三聲寄與峽中猿向冷月任哀酸

錦堂春慢

賀廖君新宅

地是蘭湖城當穗洞華堂新見翬飛羨王家春燕
復返烏衣碣石宮邊久客浮丘市上初歸鎮向花
林偃臥長弄瑤簪長弄珠徽錦里先生接近又
青蓮白苧詞筆同嬉笑桐孫百尺桂子雙圍蕉老
雌雄仙蝠梅芬大小豪犀未化千年霜羽尚識盧
耽尚識令威

東風第一枝

送張君携家返杭州

荔蕊初含棉花欲吐春光漸與膏沐乳鶯催憶香
涇旅雁引辭檻曲蘭橈蕩漾歸客鴛鴦相逐漫
計程想到明湖尚未藕肥菱熟知佩有大紅嬌
蝠么鳳子再看羽綠早從奔月靈娥乞得免兒在
腹羅浮曾至怎忘得芝甘如肉待宦成散帶重遊
肯作洞天梅福

木蘭花慢

竹葉符

向籠葱摘取問蟲篆是誰書似蠹繡丹經魚餐綠
字巧出仙餘麻姑戲將鳳爪印龍紋一暈一河圖
更綴陰陽小押辟邪畱在冲虛研朱籀隕亦霑
濡掩映雪消初笑帶風與露膩香春粉總贈芳姝

林於洞庭萬樹柰斑斑只有淚如珠那得雙鉤片
片驚驚跡徧蕭疎

冲虛觀名在羅浮

水龍吟

五色雀

洞天偏是朱明鳳皇生長紛孫子更多五色絳翎
作長綠兄紅姊大石樓邊錦屏峰際羣飛相比與
碧鷄丹翠雌雄三兩教王母長驅使又有鷄鷄
越翅糞奇香水沉真似鷄鷄對對擣餘靈藥連聲
呼爾解識仙儒洞門遙迂導歸花市愛迴翔逐我
絲衣兒女作高堂喜

買陂塘

仲春六瑩堂謠集

爲聽歌滿堂魂悄吳音爭奈清婉風流串戲多騷

客酒待曲終方勸人氣暖吹幾陣紅香影向瓊
亂鶯長燕短任珠斗光低玉壺聲盡猶未放金
如泥後惟有龍蛇出腕裙裾都與書滿千花萬
柳供驅使生怕綺筵雲散君不見金粟老神仙富
貴從舒卷沉冥未晚正細雨輕煙似他人柳眠起
不勝軟

定風波

送李廣文之新興任

羨新州咫尺羊城蘭舟五日卽到芳竹陰中蒲葵
影外野鹿時相召講堂開允溪繞祭酒多閒但長
嘯憑眺有碧山廿四春睂娟妙荔支未少似丁香
一樣雌雄小與盤中紅蓓芬馨共啖誰似儒膏

好玉杯篇洞璣艸休歎箋經苦不早爲道一瓊雖

冷諸生師保

新興蓬蒿子小而香名曰香荔他地所無

西湖月

作六月十六夕惠州王太守邀泛西湖

炎天向夕偏涼愛皓月仍圓流光如笑畫船輕漾
蠻童緩按十番兒小使君頻有賦儘曲水風流吟
共嘯更布簟犀帶橋邊弄徧紫荷紅蓼生憎一

帶山眉染玉女青螺影連浮嶠洞天爲主三千天

鳳奈他仙爪神仙多散吏恨白玉真人招未早怎

當得西子錢唐更勞蘭櫂

公與白玉蟾仙師若有夙契公未蒞惠先夢

到惠及杭州

又前題

纖雲感損金波卷一片秋光全歸明鏡數聲歸笛
棲禽欲起亂翻林影弄珠人有約待七夕浮燈穿
茱萸便萬朶分與漁舟看取逐流誰定知他幾
處西湖有此地才華主賓相稱右軍顏好凝脂點
漆白頭交映文心吾亦似覺老去雕龍今不競願
良會歲歲歡娛飽聞高詠

買陂塘

奉陪王太守俞別駕佟大令雨中泛西湖作起句同用張翥

漲西湖半篙新雨畫船初試煙水知君雖作湖山
主心與海鷗相似秋欲至荷葉外微茫漸識蘆花
起溪頭洞尾向山影沉浮泉花噴薄頻得白魚喜
長橋畔燈火漁村尚未疎鐘微出蒼翠蘭橈蕩

漾無人見教駐數聲歌吹觴並止堤上步沿洄稍
近黃塘寺林楓乍墜正宿鳥巢邊涼風蕭颯心動
欲歸矣

無悶

蝶江亭雨中作

城東雙江亭俯萬峰煙雨迷離望眼恨久客無端
故園非遠望得秋涼颯爽又攪夢風將疎林卷竹
聲更苦煙啼露咽忍教魂斷休歎有人管是幾
朶芙蓉鎮同蕭散任冷落炊煙玉琴遲典要向豐
湖好景待月上梅花彈僧院更一笛吹破閒愁頻
放舵樓西返

洞仙歌

爲惠陽別駕俞君題揮翰圖圖有美人十三

蓬萊一股與鵝城仙吏玉女紛從女生戲展花綾
兩兩催寫香奩添一箇便是鴛鴦十四 洞天圖
畫裏不向丹青爭識麻姑更妖麗爲著淡鵝黃么
鳳憎他毛全綠掩君羅袂任夜夜箏調十三絃怎
得似清琴靜含秋水

戚氏

端州感舊

片帆開又上西水向崧臺想像當年羽幢東駐作
蓬萊宮槐接天街紛紛銀燭早朝催無端白面年
少出師書奏意酸哀五嶺天險無人分戍控弦一
夕潛來爲蕭牆變起鉤黨相角朝士鴛鴦 龍舸
夜動喧豳三兩扈從報國少涓埃三宮苦筑陽飄

泊桂管摧頽正銜枚爨餓一路遲迴六詔喜仗雄
才晉王再造惠國重興稍作屯難雲雷又苦遭
兇逆爲讎羽翼作禍胚胎四引樓蘭鐵騎度金沙
血戰磨盤開寄命緬甸淒涼六軍潰裂魚服辭滇
海念龍饑誰與文君塊空嘔血諸葛時乖又命屯
玉步難恢恨兇渠逼脇上雲堆自重華逝蒼梧痛
哭血淚成灰

八聲甘州

恨蠻江亦復向東傾峽門小難收任牂牁萬里含
煙吐瘴全注交州往日水犀三萬戰血剩龍湫零
落艤艫影雨外沈浮不忍裕臺憑弔更有無玉

壘試問沙鷗自黃龍朝去波湧失宸樓歎三宮春
隨蜃氣與杳潮變幻海西頭漁翁汝向金沙浦可
見膠舟

定風波

又離家兩月高要勞勞作客自苦落羽摧頽殘英
冷淡老大誰爲主典裘來碎琴去一代文章委塵
土無補令饑寒不免啾啾兒女白頭未遇怎英
雄事業多衰暮喜萍花無恙陰山玉在磨得龍精
吐向龐公詠梁父誰識英高有文武須許鳳雛人
往南陽惟汝

買陂塘

買陂塘養多魚種養魚經好須讀魚花浮滿桃花
水魚戶一春爭漉新雨足放萬箇魚秧半是西江
族鯰三鰻六任嫩艸青青浮萍片片去果水梭腹
拖鼠好時用瑯玕嫋竹魚生飛亂紅玉誰持鱠
具來相訪兼爲荔支都熟尊更綠盞鼓下羹魚飯
稻隨風俗量魚論斛是蛋客生涯鰕人事業水國
作湯沐

魚一名水梭菜粵人作鱠名切魚生

又

買陂塘盡栽蓮種白蓮花比紅好貪伊多藕休傷
葉看作露房偏早花賣了把葉葉香羅包飯嘗新
稻芙蓉半槁又子乳茨菰笋肥茭白生滿接洲島

荷花蕩似向姑胥收到菱歌禁得多少鴝鵒灘
鴻休爭宿儘有五湖煙艸君莫笑舟上女褰裙踏
藕多嬌小蓮莖弄倒令水佩風裳三秋歷亂蒲柳
笑先老

桂枝香

歲庚午子年六十有一臘月之十日恭遇

慈大人生辰適第五兒阿需

以是日舉喜而有作

嘉平舉子正太母生辰壽筵張綺與父同年庚午
可能相似六旬有一生兒晚幸慈尊見渠呱矣子
圍孫繞婆婆老福白頭多喜望第五名齊驃騎
嘆同父諸兄豚犬而已五子陶公今足待教書史
五經分授傳家學更何時都會文字慰集王母年

年春酒獻詩羅跪

婆婆老福宋太宗稱張齊會母之語

憶舊遊

東湖感舊有作

記花中放舸竹下飛觴當日嬉遊未盡狂歌興苦
山公要去奏事螭頭暮烟已隱金谷餘得懊儂樓
歎粉黛難灰松杉易拱幾度高秋風流更誰與
鎮日日彈棋夜夜藏鉤恨絕如泥慣令太常妻小
空白霜頭一聲雍子悲涕猿嘯助啾啾與別鵲離
鸞蘭閨一一同淚流

山公謂尹吏部也尹官至太常而歿其繼室姬妾皆守志

東風第一枝

壬申臘月廿九日立春值丙子季劉生辰賦贈

細切辛絲香堆翠縷謝家春滿纖手粉光新
饋鮮桃黛影乍描嫩柳歡開生日儘膝下鶯歌消受羨

又添一歲風光長媚畫堂尊母 今歲好釀多美酒來歲好膾多臙肉朔囊雖滿錢刀不買漢京少婦舖糜兒女一个个憐伊黃口念楚狂妻已水清莫比女花還瘦

金菊對芙蓉

蒲衣綉姬贈之

桃葉蠲愁柳枝銷恨不須萱樹蘭房正桐初乳子蕉早甜娘椰中更有同心物儘纖手日日持漿休穿玉指未縫狄布先繡琴囊 憐惜小小娥光且緩教顧兔在月中央但睂描五嶽衣渲三湘青絲角髻捐巾粉待入山同掃丹牀休師素女令伊情好長似探湯

換巢鸞鳳

蒲衣折梅歸餉贈之

多折瑤芳要持歸鏡側插滿鬟旁乳鶯初弄粉媚
蝶早收香多情天肯念王昌故教換巢雌雄一雙
教徐淑再嬌小復歸仙掌歡暢春自享親鼓鳳

琶檀口催低唱石帶香詞玉田清曲都在鷓鴣絃
上新製彈頭百千篇雪兒心慧能幽賞簾幃邊許
花翁每聆飛響

史梅溪詞天念王昌意多情換巢
鸞鳳教偕老蒲衣王姓姬氏徐

琵琶仙

蒲衣將我新詞譜入琵琶
子令新姬歌之賦以爲謝

天授王郎有誰識這是琵琶仙子彈出南宋新聲
詞人任驅使紅豆好尊前麗曲又添得小紅能記
笛已親教琴知自弄香閣多喜笑連日情滿徐

妝爲梅萼紛紛點
丫髻催我暗香幽咽儘騷人風
致須說與裁雲剪月有箇儂俊句相媚便與分入
檀槽遏雲天際

梅溪詞梅開半面情滿徐妝姬徐氏也

人月圓

秋蟾光滿雲中塞
人下玉鞍來將軍嬌女秦箏趙瑟清響含哀
歡娛一夢朝雲易化秋雨頻催無
因相逐蘭魂蕙魄同向泉臺

又

秋蟾光滿珊瑚洲
水人駕綵舟來劉家三妹詩香賦豔閨閣仙才
糟糠淡薄梧枝未老蕙草先摧無
因魂返珊瑚細步燈下徘徊

酷相思

慘淡秋缸花易謝苦風入從窻罅悄難睡無人棋
共下一點雨芭蕉打兩點雨芭蕉打繞砌寒蛩
啼未罷各自訴斷腸話笑孤客蘭房長守寡一點
淚胭脂灑兩點淚胭脂灑

粉蝶兒

本意

繭出朱明翩翩鳳皇孫子笑麻姑繡裙難似觸飛
絲穿落粉儘他春戲更誰人逍遙漆園如爾鶯
捎不去纏綿一生花底與風流綠毛丁髻共收香
到靜夜方開雙翅怕嬌娥輕羅撲傷金翠

臨江仙

折梅贈內子

梅妻本是梅家女白頭香雪相偎同心綠萼總重
臺鳳餐珠藥結仙胎村號梅花誰不羨早從梅
嶺歸來南枝暖待北枝開百年春色忍相催有同
心梅

七娘子

愁來有路從烟草東風不把蘼蕪掃絲短絲長將
愁縈繞萋萋一片先春老紫騮驕向香泥倒綠
乾紅濕多行潦欲問蘿村無人知道茫茫不覺不
覺山花好

少年遊

芭蕉

水蕉心老苦難開春作剪刀催油羅衫影冰綃裙
影蕩漾拂簾來猩紅花藥層層卷愁拘束待輕

雷最怕秋聲冷含風雨且莫折苞胎

明月逐人來

秋夕與內子昭平夫人小酌

梅花開釀芙蓉相向秋蟾照翠樓冰亮夜寒多露
休把深杯讓早識卿卿雅量難得鴛鴦白首情
逾酣暢雙簫起聲嫌輕颺月斜未睡猶倚簾櫳望
隱隱潮雞初唱

醉春風

乍上嬉春騎琵琶彈尚未邊人何處最風流記記
記花巷東頭雁門南口兩行妖麗粉黛嫌香膩
冰雪天然致未過寒食已栽鞦戲戲休賽身輕
怕他飛燕有心憎爾

甘州令

柳條邊榆葉塞驚沙自卷鵬羽屋苦風吹散乍寒
天已淒慘夕陽偏晚白羊王紫駝女爲客作漢軍
兒飯飲餘杏酪弄深蘆管好貂帳乍生春暖正
玄冰凍黑水海州休返少卿廬子卿窖欲尋去馬
愁天遠

一痕沙

一向漢兒高臥早被闕氏笑破殼滿踰長城騎飛
輕千里無人遮塞空把關山自賣何處四樓開
白登臺

淒涼犯

馬嘶不出邊風起聲含一片悲策白榆葉盡黃榆
又落總成蕭瑟長城已失但千里龍沙沒膝苦無
人綿羊空白燒取作朝食來往陰山下笑接關
氏醉聽兜勒蔡姬在否剩胡笳曲傳多拍暫返雲
中待祠天還來作客恨邊長出塞入塞少羽翼

南鄉子

蓬鬆果

一樹蓬鬆身如井上兩梧桐雄樹生花雌結子鴛
鴦似不是多情爭有此

雙鴈兒

鳴笳疊鼓又黃昏散哨騎掩旗門曲吹公主嫁烏
孫教箏琶拭淚痕嬌嬈爭擁火紅盤泥上客賭

芳尊醉眠貂鼠帳房溫任新魂續舊魂

一落索

落花

消受春光無幾流鶯催爾無端開落太匆匆枉去
爭紅紫 苦被東皇驅使夢中相似行雲行雨總
無情教宋玉空悲淚

又

落花

多謝燕兒銜汝嘴粘紅雨紛紛青塚畫梁間棲宿
多香土 兩雨呢喃香語粉含脂吐巢成卽是玉
鉤斜魂片片憑爲主

琴調相思引

怕見春山不上樓煙含春恨雨含愁茫茫歸思不

共夕陽收 海燕多情偏易去邊鴻無主總難留
淒淒孤館苦住更何求

茶瓶兒

正悄寒時人獨臥雪吹亂紛紛風簸花細難成朵
錦衾空冷一片層冰裹 天遣多情真苦我更白
髮催人無那草草青春過酒慵花懶但掩窓兒坐

南鄉子

箇箇香囊中多萋葉疊鴛鴦鹹水檳榔那少汁唇
濕縱傳胭脂唇不入

又

注滿香螺白柳心小玉漿多飲取教郎長似醉花

中睡却笑檳榔無酒味

漁歌子

素馨紅素馨綠素馨紅綠看難足穿茉莉貫芙蓉
持作玲瓏花屋旖旎香宜新浴離支膏滑慚非
玉捐麝片屏馱沉怕亂冰肌真馥

春光好

花似笑柳如愁總風流獨有傷春人不好雪盈頭
憎他乳燕鳴鳩一箇箇雙棲畫樓不肯拆開飛
教子趁風柔

江城子

灘頭乘雨放鷓鴣水生時一篙遲鯉魚三尺驚出

碧連漪方便可能將尺素千里外寄相思

荷葉杯

鴈

又見邊鴻飛至歸未嘹唳一聲秋銜書不忍過高樓愁摩愁愁摩愁

又鴈

寫盡雙雙人字誰寄明歲鴈門迴教銜織錦到龍堆來麼來來麼來

南鄉子

幽菊豔重陽心吐丹絲瓣卷黃一朵芙蓉相伴冷禁霜露濕無眠愛夜長梅萼又吹香夢裏偏宜淺淡妝兒女小同山喜鵲雙雙月下啾嘈繞洞房

明月逐人來

新月

眉痕輕碧纖纖初畫微開鏡素娥無力兔兒何處
相顧無消息待滿雌雄方識誰見娟娟不向蘭
閨深憶蛾長短無人憐惜兩頭青黛應似春山滴
祇怕愁烟空積

木蘭花慢

飛雲樓作樓在端州公署後
巳丑皇帝南巡嘗駐蹕其上

繞闌干幾曲記龍馭此淹留剩鳩鵲恩暉芙蓉御
氣掩映飛樓颼颼冷飛亂葉似烏號哀痛慘高秋
多謝宮鴉太苦土花銜作珠丘梧州更有灞園
愁西望少松楸未委何年月玉魚自出金鴈人收
啾啾嶺猿箇箇抱冬青淚斷鬱江流寄語樵蘇躑

躡磨刀忍向銅溝

梧州有皇帝輿陵

端

七娘子

愁來有路從煙草東風不把藤蕪掃
絲短絲長將愁縈繞萋萋一片先春老
紫騮驕向香泥倒綠乾紅濕多行潦
欲問蘿村無人知道茫茫不覺山花好